

景明刻本兩京遺編

關東文庫

兩京遺編

臣胡承玄
編

上海涵芬樓影
印明萬曆刻本

刻兩京遺編序

鹽鐵論十卷白

余讀漢人書輒津津艷慕焉然
史自馬班外文自文選外不能
概見則又咨嗟嘆曰豈以寥寥
數百祀而著述僅爾爾耶既通
朝籍乃始稍稍構得之然或剗
剗甚工或字句失真讀未卒篇

而心已厭謝矣令修古之士將
安倣焉余徃憲趙魏趙魏故文
學地也會洹水令原君興學好
文遂命鳩工聚材即其縣刺之
凡十餘種始陸賈新語終劉勰
文心雕龍新語二卷賈子十卷
春秋繁露八卷鹽鐵論十卷白

虎通二卷潛夫論二卷仲長統
一卷風俗通十卷中論二卷人
物志三卷申鑒五卷文心雕龍
十卷摠之曰兩京遺編云余按
陸賈習短長者也然當斲雕破
觚之初氣輪屯而不流詞莽鬱
而不炫賈誼用世之才乎其文

雄而確矯矯而有風神仲舒以
匡君為主剖析經義每於一篇
之中三致意焉桓寬辨士也反
覆攻擊不遺餘力可佐鹽鐵一
籌固當明章之盛博採嚴議儻
亦有禮樂之思乎應邵矯枉過
正語神語恠而終質之以理仲

長統王符徐幹憤世嫉邪士也
慷慨沈毅有味乎其言之矣荀
鑒劉志多所發明調浸浸弱也
唐宋之發源乎勰文藻翩翩讀
之千古如掌晉魏之濫觴乎此
諸家之大較也客曰劉向說苑
王充論衡不亦兩京著述哉胡

遺也曰說苑灝汗論衡蕪穢各
不下數十萬言且是編也如碎
玉安所用之耶客曰徐荀二劉
不魏梁人哉胡稱兩京果爾則
勰以下亦可及矣曰其人非漢
也其文漢也夫西京如崑崙東
京如華衡魏梁如會稽武夷均

之元氣所流洩也陳隋之間日
本安南矣胡及也客曰唯唯讀
者乃茲集以盡兩京文而兩京
文盡於此

萬曆十年歲次壬午夏季

賜進士第大中大夫廣西右叅政
前大名道兵備副使勾餘胡維

新書

漢書十卷

大書錄此批胡稱而

昔以茲事以盡兩在文而

本其南矣此及西客曰

之示海所飛鄭也

兩京遺編目錄

新語

(一) 陸賈撰

賈子

(二) 賈誼

春秋繁露

(三) 董仲舒

鹽鐵論

(四) 桓寬

白虎通德論

(五) 班固

潜夫論

(六) 王符

仲長統論

(七) 仲長統

風俗通義

(八) 應劭

徐幹中論

(漢)徐幹

人物志

(魏)劉劭撰

劉昫注

申鑒

(漢)荀悅

文心雕龍

(梁)劉勰

鹽鐵論

(漢)桓寬

春秋繁露

(漢)董仲舒

賈子

(漢)賈誼

條詁

(漢)劉向

兩京遺編目錄終

新語卷上

漢中大夫陸賈撰

道基第一 術事第二 輔政第三

無為第四 辯惑第五 慎微第六

道基第一

傳曰天生萬物以地養之聖人成之功德叅
合而道術生焉故曰張日月列星辰序四時
調陰陽布氣治性次置五行春生夏長秋收
冬藏陽生雷電陰成雪霜養育群生一茂一

亡潤之以風雨曝之以日光溫之以節氣降之以殞霜位之以衆星制之以斗衡苞之以六合羅之以紀綱改之以災變告之以禎祥動之以生殺悟之以文章故在天者可見在地者可量在物者可紀在人者可相故地封五嶽畫四瀆規洿澤通水泉樹物養類苞殖萬根暴形養精以立群生不違天時不奪物性不蔽其情不匿其詐故知天者仰觀天文知地者俯察地理跂行喘息蛭蠕動之類

水生陸行根著葉長之屬為寧其心而安其性蓋天地相承氣感相應而成者也於是先聖乃仰觀天文俯察地理圖書乾坤以定人道民始開悟知有父子之親君臣之義夫婦之道長幼之序於是百官立王道乃生民人食肉飲血衣皮毛至於神農以為行蟲走獸難以養民乃求可食之物嘗百草之實察酸苦之味教民食五穀天下人民野居穴處未有室屋則與禽獸同域於是黃帝乃伐木構